



Ruj. Tuan:

Ruj. Kami: (3)PMT/UU/5/2

Tarikh: 13 September 2002

Y.A. Hakim-Hakim,  
Mahkamah Tinggi,  
(Bahagian Sivil),  
Kuala Lumpur.

Semua Timbalan Pendaftar/Penolong Kanan Pendaftar,  
Mahkamah Tinggi,  
(Bahagian Sivil),  
Kuala Lumpur.

Yang Arif/Tuan/Puan,



**ARAHAN AMALAN BIL. 1/2002**

**Penyusunan Semula Bahagian Sivil Mahkamah Tinggi Kuala Lumpur  
(kecuali perkara berkaitan dengan hal-hal kekeluargaan)**

Bagi memastikan keseragaman, keberkesanan dan pelupusan kes yang lebih efisien dengan mengoptimumkan penggunaan masa kehakiman, Yang Amat Arif Hakim Besar Malaya dengan ini mengarahkan mulai 16 September 2002 Pentadbiran Bahagian Sivil di Mahkamah Tinggi Kuala Lumpur (kecuali perkara berkaitan dengan hal-hal kekeluargaan) dikemaskinikan seperti berikut:-

1. Kewujudan 7 Mahkamah Sivil yang dikenali sebagai Mahkamah Sivil 1, 2, 3, 4, 5, 6 dan 7 akan dibubarkan.
2. Dengan pembubaran kesemua 7 mahkamah berkenaan, semua Y.A Hakim di Bahagian Sivil akan mendengar kes-kes sama ada di "Fast Track Court" atau "Normal Track Court".

3. Fungsi kedua-dua mahkamah ini adalah:
  - (a) Fast Track Court akan mendengar semua permohonan undang-undang yang melibatkan keterangan secara affidavit.
  - (b) Normal Track Court akan mendengar semua permohonan undang-undang yang melibatkan keterangan secara lisan.
  
4. Buat masa ini, Y.A Hakim-Hakim berikut telah ditugaskan di:  
  
Fast Track Court : Y.A. Dato' Azmel bin Hj. Maamor  
Fast Track Court : Y.A. Dato' Hj. Abdul Malik bin Hj. Ishak  
Fast Track Court : Y.A. Datuk Abdul Hamid bin Said  
Normal Track Court : Y.A. Dato' Hj. Yaacob bin Hj. Ismail  
Normal Track Court : Y.A. Datuk Heliliah bt. Mohd Yusof
  
5. Sebelum apa-apa permohonan undang-undang ditetapkan untuk pendengaran di hadapan Y.A Hakim, sama ada di Fast Track Court atau Normal Track Court, permohonan undang-undang tersebut akan diurus oleh seorang Hakim Pengurus (Managing Judge) yang mana akan dibantu oleh sekumpulan Timbalan Pendaftar.
  
6. Tujuan pengurusan kes untuk setiap permohonan undang-undang adalah untuk memastikan:
  - (a) Kes tersebut dikenal pasti secara jelas;
  - (b) Isu-isu yang dipertikai dapat ditentukan; dan
  - (c) Semua dokumen sokongan yang relevan telah difailkan.

7. Permohonan undang-undang tersebut akan hanya ditetapkan tarikh pendengaran di hadapan seorang Y.A Hakim setelah Hakim Pengurus berpuashati bahawa pengurusan kes telah lengkap.
8. Hakim Pengurus yang dilantik adalah Y.A. Dato' James Foong.
9. Dengan pembubaran 7 Mahkamah Sivil tersebut, Pendaftaran Bahagian Sivil akan disusun semula dan dibahagikan kepada 7 unit yang dikenali sebagai:

Unit	Unit	Unit	Unit	Unit	Unit	Unit
Kod 22	Kod 23 & 21	Kod 24	Kod 25	Kod 15	Kod 31	Kod 32
(Writ)	(Fitnah & Kerajaan)	(OS)	(OM)	(Ruj Tanah)	(LA)	(Probate)

Unit Kod 22 akan mengendalikan semua permohonan undang-undang yang difailkan secara Writ.

Unit Kod 23 & 21 akan mengendalikan semua permohonan undang-undang berkaitan dengan kes-kes fitnah dan perkara yang mana Kerajaan menjadi salah satu pihak, masing-masing.

Unit Kod 24 akan mengendalikan semua permohonan undang-undang yang difailkan secara Saman Pemula.

Unit Kod 25 akan mengendalikan semua permohonan undang-undang yang difailkan secara Usul Pemula.

Unit Kod 15 akan mengendalikan semua permohonan yang berkaitan dengan perkara Rujukan Tanah.

Unit Kod 31 akan mengendalikan semua permohonan undang-undang yang berkaitan dengan Petisyen Surat Pentadbiran.

Unit Kod 32 akan mengendalikan semua permohonan undang-undang yang berkaitan dengan Petisyen Geran Probet.

10. Setiap unit akan diketuai oleh seorang Penolong Kanan Pendaftar (PKP).
11. Berikut adalah senarai Penolong Kanan Pendaftar yang akan mengetuai setiap unit tersebut:


Unit	Unit	Unit	Unit	Unit	Unit	Unit
Kod 22 (Writ)	Kod 23 & 21 (Fitnah & Kerajaan)	Kod 24 (OS)	Kod 25 (OM)	Kod 15 (Ruj Tanah)	Kod 31 (LA)	Kod 32 (Probate)
Tn. Nazran	Pn. Lailatul	Pn Chandra	Pn. Rasyidah	Pn. Noradura	Tn Edwin	PnTitihani

12. Setiap PKP akan mendengar permohonan undang-undang yang berkaitan dengan kod mereka, yang mana mereka ada bidang kuasa untuk mendengar.
13. Sebelum projek ini diimplimentasikan, semua kes-kes sambung bicara di hadapan Y.A Hakim-Hakim akan diteruskan oleh Y.A Hakim yang sama sehingga diselesaikan sepenuhnya tanpa mengambil kira sama ada Y.A Hakim tersebut telah ditugaskan di bawah Fast Track Court atau Normal Track Court.

Sekian. Terima kasih.

**'BERKHIDMAT UNTUK NEGARA'**

Saya yang menurut perintah,

  
(MOHAMAD ZABIDIN BIN MOHD. DIAH)  
Pendaftar,  
Mahkamah Tinggi Malaya,  
Kuala Lumpur.

*Sila lihat lampiran*

s.k.

Y.A.A. Ketua Hakim Negara,  
Mahkamah Persekutuan Malaysia,  
**Kuala Lumpur.**

Y.A.A. Presiden,  
Mahkamah Rayuan Malaysia,  
**Kuala Lumpur.**

Y.A.A Hakim Besar Malaya,  
Mahkamah Persekutuan,  
**Kuala Lumpur.**

Y.A.A. Hakim Besar Sabah dan Sarawak,  
Mahkamah Tinggi,  
**Kuching, Sarawak.**

Ketua Pendaftar,  
Mahkamah Persekutuan Malaysia,  
**Kuala Lumpur.**

Pendaftar,  
Mahkamah Rayuan Malaysia,  
**Kuala Lumpur.**

Pendaftar,  
**Mahkamah Tinggi Sabah dan Sarawak.**

Presiden,  
Majlis Peguam Malaysia,  
No.9, Jalan Tun Perak,  
**50050 Kuala Lumpur.**

Pengerusi,  
Jawatankuasa Peguam Kuala Lumpur,  
(Kuala Lumpur Bar Committee),  
Tingkat 8, Wisma Kraftangan,  
No. 9, Jalan Tun Perak,  
**50050 Kuala Lumpur.**

Pegawai Undang-Undang,  
Bahagian Penyelidikan,  
Mahkamah Persekutuan.



Pustakawan,  
Mahkamah Persekutuan.